

# STORACLES OF PROPHECY

## Azah Sawm Pil Zaw

Daniel 1:1-21

### Ta-ang Thu . . .

**N**ebuchadnezzar kumpipa in Jerusalem simgawp-a azawh ciangin Judah mi tul tampite manin Babylon gamah ciahpih hi. Kumpipa in a nasempa, Ashpenaz, kiangah ih galimat Jews mite lak panin khangno pawlkhat kumpipa na asem thei dingin kumpi-inn ah kum thum sung kampau leh Babylon pilna asin ding teelkhia in aci hi.

Daniel, Hananiah, Mishael, leh Azariah hih tengin Ashpenaz lungsim la ahiah manin kumpi-inn ah kipaipih hi.

Ahiah hangin tua lai ah buaina khat om hi. Khangnote neek dinga kibawl ante lakah Pasian in a phalloh neek loh ding tampi tak na om hi.

Lungdam loh meel pua hetlo takin, Daniel in amah leh alawm teng thum neek leh dawn dingin anteh singgah akiptak nadingin ngen hi. Acil-in kumpi nasempa in angetna sang lo a, "Tua bang tawh na cii uh dam kenteh" cihsan hi. "Na cii uh na leh kumpipa in kei hong dawm kenteh," ci hi. Ahiah Daniel in kamzol tawh ngen veve a, tua leh ni 10 sung bekbek hong en in, ka cidamna uh nong muhdan kumpi-an ane khangnote tawh hong enkak in ci-in thum hi.

Hong kithukim uha, ni 10 sung Hebia khangno li te in tui leh anteh singgah bek hong ne uh hi. Ni 10 hong cin ciangin,

Daniel leh alawmte thum, "kumpi an nete sangin cidamzaw uh a, a ci a sa uh a hoihzaw hi." Daniel 1:15.

Kum thum khitchiangin hih khangno li teng Kumpipa Nebuchadnezzar in apilna uh hong sit a, Babylon gam mipil khempeuh te sangin azah sawm iin pilzaw hi ci-in kipulak hi. Daniel kum 100 ta'angbang nungta hi ci-in laisiangtho in gen hi. Bang hangin Daniel leh alawmte hizah takin pilin, cidam iin, khansau uh hiam?



**AMAZING FACTS**

## Thu Sinna

Laisiangtho na sim khitchiangin a awng munte behlap in.

### 1. Akipatcil a mihingte neek dinga Pasian in agel sak bang hiam?

**Piancil 1:29** Pasian in, En un, leitung maitang khempeuhah aom, \_\_\_\_\_ apiangsak kungnote khempeuh leh \_\_\_\_\_ sungah tang aom singkung khempeuh note tungah kong piakhin ta hi; tuate an iin na nei ding uh hi.

Phawk Ding: Hih munah mikang lai a, "meat" acih pen sa cihna hilo-in "an" cihna hi.

### 2. Adam leh Eve hong mawh khit uh ciangin Pasian in neek ding an bang te piakbeh hiam?

**Piancil 3:18** Nang in gamlak \_\_\_\_\_ na ne ding hi.

Phawk Ding: Akipatcil a mihingte an dinga hong kipia pen singgah, tang[vamtang, mimtang, kawlkai], singgahtang te ahi hi. Adam leh Eve hong mawh khitchiang, nuntaakna singkung nekha nawno-in mehteh mehghah an dingin Pasian in piakbeh hi.

### 3. Ih pumpi cidam ding Pasian in a lunggulh hiam?

**Matthew 4:23** Zeisu in amaute kikhopna inn sungah Vantung Gam Lungdamna Thu hilh a, ci naa te \_\_\_\_\_ Galile gam sung tengah avak kawikawi hi.

**3 John 2** Ka it mi aw, na lungsim anopsak bang mah in nangmah in na khempeuhah \_\_\_\_\_ na leh \_\_\_\_\_ ngah na ding thu ka ngen hi.

Phawk Ding: Ih pumpi cidamna pen Pasian adingin thupi mahmah hi ci-in Laisiangtho in hong hilh hi. Zeisu in thuhilhna iin hun azat zahmah damsakna in zong zang hi. Ih khansauna ding leh ih cidamna dingin ih zuih theih ding Laisiangtho hong lamlakna pawlkhat om hi.

### 4. Pasian in Isreal te kiangah Ka thumang-a Keima na nasep uh leh na natna te uh note kiang pan Ka lakhia ding hi ci-in kamciam hi. Pasian in a kamciam bangin asem hiam?

**Late 105:37** Tua ciangin amah . . . Israelte paikhiaipih a, amaute avekpi in \_\_\_\_\_ kim uh hi.

Phawk Ding: Ngaihsun leng! Pasian mite in khapsa gam azuat lai un, a minam bup un khat beek cina lo beklo-in a thazawngkhal zong omlo uh hi.

### 5. Bang hangin ih cidamna Pasian adingin thupi mahmah hiam?

**1 Corinthians 6:19, 20** Na pumpi uh, . . . Kha Siangtho' \_\_\_\_\_ ahiah lamtak theilo na hi uh hiam?... Pasian in a hong leisa na hih manun na \_\_\_\_\_ uh Pasian' minthan'na dingin na zang un.

**Romans 12:1** Tua ahia manin sanggamte aw, a \_\_\_\_\_ le Pasian lungkimna ahi a nungta biakpiakna ahi dingin na \_\_\_\_\_ uh na piak nadingun Pasian lainatna hangin kong kun hi. (ZIV)

Phawk Ding: Pasian in ih pumpi pen asiangtho Ama teenna dingin hong deih hi. Tua manin, eite in ih pumpi bup Ama hong teenna dingin kibawl kul hi.

### 6. Cidam taka nuntaak theihna dinga ahoih Laisiangtho thukhun in bang hiam?

**1 Corinthians 10:31** Na hihna khempeuh uh, \_\_\_\_\_ ah ahi zongin Pasian' minthan'na dingin na hih un.

Phawk Ding: Nuntaakna ah ih kikep siam ding kisam hi, tua hileh ih ngeina—ih neek leh ih dawn te nangawin in—Pasian min thangsak ding hi.

### 7. Christian te in zuu adawn huai hiam?

**Paunak 20:1** Leenggah zu in kamtam sakin, \_\_\_\_\_ in mi ki tawng sak a, zukhamna in haina ahihi.

Phawk Ding: Zuu dawn ding Laisiangtho in phal hetlo hi. Laisiangtho sunga "zoo" cih kammal pen akikhamthei leh akikhamthei lo leenggah zuu anih in agen khawm hi. Tuhun a singgah atui-a gawi "cider" te dan hi. Paunak 23:29-32 sunga Laisiangtho gen pen akikhamthei zuu hi a, Pasian in et ding zong phal lo hi! Christian te dawn ding zuu in "akibilh lo zuu," akikhamthei lo, leenggah tui khum te ding ahi hi. **Isaiah 65:8** Leenggah zuthak in leenggah bawk ah om hi.

### 8. Ama pumpi anin sak te Pasian in bang cih ding hiam?

**1 Corinthians 3:16, 17** Note in Pasian biakna innpi na hi uh a, . . . Mi khatpeuh in Pasian' biakinn usia leh Pasian in tua mipa \_\_\_\_\_ ding hi.

**Paikhiaatna 20:13** Mi na \_\_\_\_\_ kei ding hi.

Phawk Ding: Ih khan hong tomsak thei, ih pumpi hong siasak thei, a cidam huailo nate limlim pelh ding ahi hi. Sihna ciang ding tunna in zong ei leh ei kisualupna mah ahi hi. Cihnopna ah zatui hoih lo zatna (tobacco cih nam te limlim) leh dawn theih tui nam tuamtuam te ah akihel ih pumpi siasak caffeine om te dawna zong ahi hi. Pasian biakinn ahi a pumpi siasak hichih thei napi-a azang teitei te Pasian in ka usia ding hi ci hi.

### 9. Pasian in neek dinga apha ganhing bang nam te hiam?

**Siampi Laibu 11:3** Ganhingte lak panin a \_\_\_\_\_ aka \_\_\_\_\_ ahai peuhmah na ne thei ding uh hi.

Phawk Ding: Na khempeuh baihlam taka ih khentel theih nadingin Pasian in anungta ganhingte khempeuh nam nih bekin khen a, asiang leh asiang lo-in khen hi. Asiangte pen nektheih ding hi ci a, asianglo te pen neek ding hong phal lo hi. Nawine ganhingte lak ah asiangte theihtheih nadingin thu nih hong pia hi. (1) khecin kaa ding (2) eknel haii ding ci hi. Gentehna, vok in khecin akat hangin eknel haii lo ahiah manin siang lo hi.

### 10. Tui sunga om bang ngasa nam te siang hiam?

**Siampi Laibu 11:9** Tui sunga omte sung panin nek theih dingte: . . . \_\_\_\_\_ leh \_\_\_\_\_ a neite peuhmah na ne thei ding uh hi.

Phawk Ding: Ngasa pen amam zaw siang hi. Ahi zongin ngami, ngazol, ngagul, ngatheiba, dualdap, kaikuang, ai leh sumkuang te siang lo hi. Tui sunga anungta te



lakah lip leh phe aneikhawm lo te peuhmah neek dingin siang lo hi.  
Gentehna, uiphuk, ukeeng, liit leh adang tuamtuan te.

### 11. Vasa lakah bang te siang lo hiam?

**Siampi Laibu 11:15, 16** *Va-ak nam khempeuh, \_\_\_\_\_  
vasa, pengpelep, vatawt, \_\_\_\_\_ nam khempeuh.*

Phawk Ding: Siampi Laibu 11 sunga hong gen vasa te lakah sa sial ne vasa nam, mu nam, leh ngasa ne nam te khempeuh siang lo hi. Ahi zongin neek ding lei pan-a piang te pan an azong ak, sai-aak, vamim cih nam te khempeuh siang hi.

### 12. Ganhing siang leh siang lo cih te Moses thukham sunga kihel, singlar teh tungah abei hilo hiam?

**Piampilna 7:1, 2** *Nang leh na innkuanpihte khempeuh  
tembaw sungah pai un, ... Ganhing \_\_\_\_\_ kop  
sagih, ... ganhing a \_\_\_\_\_ kop khat.*

Phawk Ding: Hilo! Pasion in Piansakcil pek pan-a ganhing asiang leh asiang lo a khensa ahi hi. Noah in tembaw sungah asiang kop sagih leh asiang lo kop nih ta alutsak nadingin thu kipia hi. Hih pen Moses thukham om ma pekpek hi.

### 13. Pasion in an sianglo neek pen thu palsatna lianpi hi aci hiam?

**Isaiah 66:15, 17** *En un, heh mahmah na tawh ama sin sona leh  
meikuang tawh dan apia dingin meikuang sungah Topa hong  
\_\_\_\_\_ ding a, huihpi bangin aleengte hong pai ding hi.  
Amaute kisian suahin a kisiangthosak, ... \_\_\_\_\_ leh  
kih-huaina anete \_\_\_\_\_ khawm ding hi. Topa in ci hi.*

Phawk Ding: Cimah hi! Laisiangtho in ih telkhih loh nadingin kitel takin hong hih hi. Nih veina hong pai ciangin Topa in Ama kammal Laisiangtho phal loh lam thei napi-a voksa leh an siang lo ane te usia ding hi.

### 14. Christian tading ahoih cidamna ding thulaigil in bang hiam?

**1 Corinthians 9:25** *Kimawlina sungah a kihel mi khempeuh in thu  
khempeuhah a pumpi uh \_\_\_\_\_ ciat uh hi.*

Phawk Ding: ki-uk, kisek cih khatna in hong siasak ding te pelhna leh ahoih ading kipuahna, kikepna cih te ahi hi.

### 15. Laisiangtho gen cidam nading thukhamte tudongin akizang lai mah hiam?

- A. *Akilawh thei natna te kepcipna (Siampi Laibu 13:46).*
- B. *Dai nalen uh ciangin phum tangtang ding (Thubihkikna 23:12, 13)*
- C. *Pumpi leh puan siansakna in lungnote dal. (Siampi Laibu 17:15, 16).*
- D. *Gina a kikepna in, zualzangna pan-a piang natna pan ong daal hi. (Siampi Laibu 18; Paunak 5:1-12; Colossians 3:5, 6).*
- E. *Ganhing ii athau te nek loh ding hi. (Siampi Laibu 3:17; 7:22-24).*

F. *Mudahna leh kamkha pau-na in cidamna sukha hi. (Siampi Laibu 19:17, 18; Paunak 15:17; Hebrews 12:14, 15).*

G. *Gilvah lua-a neek lauahuai hi. (Paunak 23:2).*

H. *Ih pumpi a tawlnagak zel ding kisam hi (Late 127:2; Mark 6:31).*

I. *Nasep ding thupi hi (Paikhiatna 20:9, 10; 2 Thessalonians 3:10).*

J. *Lungnopna in zatui hoih hi (Paunak 17:22; 1 Timothy 6:6).*

K. *Nu leh pa te luhek in tate huzaap hi (Thubihkikna 12:25; Paikhiatna 20:5).*

Phawk Ding: Tuma kum tul tampi lai a, Pasion in amite tunga apiak cidamna thukham pen tudongin mipilte in mu kim zo nailo lai uh hi. Tu mahmah iin cidamna thukham zuihna ii amanphatna bangzah takin lian hiam cih ih phawk kha hiam!

### 16. Vantungah mite in gan go iin sa ane ding uh hiam?

**Isaiah 65:25** *Keima mual siangtho tung tengah amaute \_\_\_\_\_  
ding uh a, \_\_\_\_\_ ding uh hi, Topa in ci hi.  
Mangmuhna 21:4* *Sihna ... om \_\_\_\_\_ ding hi.*

Phawk Ding: Adam leh Eve in mawhna hanga ataan uh nate khempeuh, neek leh dawn mehteh mehgha neekna akipan, Pasion in Ama kumpi gam thak ah hong piakik ding hi. Tua munah gangawhna, sa neekna cih te lei thak ah om nonlo ding hi.

### 17. Pasion lungdam nadingin ka neek leh ka dawn bangci khel ding ka hi hiam?

**Ezekiel 11:18-20** *A nin nate khempeuh ... \_\_\_\_\_ ding uh  
a, amaute tungah lungsim thak leh ngaihsutna \_\_\_\_\_ ka  
pia ding hi. Tua ciangin amaute in ka thukhamte zui-in ka thupiak  
khempeuh citakin mang ding uh hi. .*

Phawk Ding: Pasion hong piak cidamna thukham man ding ih khensat ciangin, Amah in a kha thak ei sungah hong guang dinga cidam sitset a ih nuntaak zawh nadinga akisam tha hong hi ding hi (John 1:12).

## Nang Dawnna

*Daniel leh alawmte in Pasion' cidamna thukham azuih manun Pasion in  
pahtawi hi, tua pen Christian nuntaak ah a thupi mahmah ahi hi. Pasion'  
kammal sunga cidamna thulaigil zui dingin na pumpi asiangtho  
biakinnpi ahi Ama Khasiangtho teenna dingin na lunggulh hiam?  
DAWNNA: \_\_\_\_\_*

## Hilhcianna

*Hih anuai-a te in telbeh nadingin hong huh ding hi.*

### Peter' mangmuhna thu theihna

*(Sawltakte 10:9-28) sunga Peter' mangmuhna siksian iin mi tampi in*

asianglo sa te neek theih dingin ngaihsun uh hi. Amaute in Zeisu in Ama nungzuite kiangah sa khempeuh neek theih hi ci-in a hihhna hi ci-in gen uh hi.

Puanza hong kiasuk-in, asianglo ganhing namkim go inla ne in ci-in Pasion in Peter kiangah sawl hi. "Topa aw, asianglo leh anin cikmah in ka ne ngeikei hi, ci-in adawng hi." Sawltakte 10:14. Zeisu thuhilhna azakzawh kum thum leh alang khitciang nangawn iin Peter in asianglo ante a neek huaina thu ahi-a, neektheih nading phalna thu ahizongin ngah tuan hetlo hi. Thamlo-in ih phawk lai ding khat ah a ma-ang sunga kipia te Peter in khat beek ne hetlo hi.

Sa sianglo te siangta hi cihna dinga Peter ma-ang sungah akilangh hihetlo hi. Peter mahmah in ama-ang khatna gena aneu 28 ah "Mi khatpeuh a siangtho lo ahikeh nin hi ka cih loh nadingin Pasion in hong lak zo hi." ci hi. Peter in ama-ang deihna bulpi genbeh lai-a aneu 34 ah, "Tua ciangin Peter thugen kipan a, "Pasion in angvan tuam nei lo hi."

Peter mangmuhna a Pasion in a sianthosak pen mihing hi a, sa hilo hi. Hih ma-ang pen nungzui Judah mite in Gentiles te asiangtho lo anin acih nonloh nading uh leh lungdamna thu leitung mi khempeuh tungah akipuak nading thu ahi hi.

### Thungetna in An a Siangthosak Hiam?

Kidop ding thu ah Timothy Masa 4:1-5 sungah anunungbel nite ciangin, upna maanlo hong om dinga--dawi thu zui iin, kiteenna hong khaam ding uha, an pawlkhat tang hun ding (abstain) hong gen ding uh hi. Aneu 4 na sunga pen akitelkhihial penpen hikha ding hi, "Pasion piansak khempeuh hoih hi." Hih akhiatna pen akiapiangsak nate khempeuh in ngimna nei leh akiapiangsakna hang om cihna hi. Ahih hangin pawlkhat te in sa khempeuh hoih takin thungen iin, lungdam ko peuh leng siang ding hi cihna sakha uh hi. Tua bang hileh thungetna tawh musane, innlawi, bui leh baak sa cih te an dinga ahoih hong suak mawk ding hi. Hibanga akhiatna khat pen ahi thei hetlo leh alauhuai mahmah ahi hi. "Khem zawhin na om kei un: Pasion pen ciamnuih bawl theih hi lo hi. Mi in ama vawh bangin a at ding hi." Galatians 6:7.(ZIV)

Khentat khialhna tawh ih kipelh nadingin, Paul in hong gen khin a: "Pasion thu leh thungetna tawh." aneu 5 ah ci ahiah manin, Pasion thu (Laisiangtho) tawh sittel masa dinga tua ciangin thungetna tawh siangthosak iin neek ding ahi hi.

Ih telsiam theih nadingin Greek lai-a "broma" cih pen "an" cihna hizaw a "meat" "sa" cihna hilo hi. Eite in hih mun a Paul gennop pen Laisiangtho sunga sa siang leh sianglo thu gen hilo ahiah lam ih thei hi bang hang hiam cih leh (thu uma, thumaan thutak thei te in neek ding leh neek loh ding Laisiangtho gen thei hi tua pi mah) pawlkhat in neek ding khaam ahiah man hi zaw hi, "thu umin, thuman thutak a thei mite in lungdamna ko-in a neek dingin Pasion in tua ante a bawl ahi hi." Aneu 3.

Lungdam kohna tawh neek dinga Pasion bawl an te-in bang te hiam cih Laisiangtho sungah olno takin kimu thei hi (Piampilna 1:29; 3:18; Siampi Laibu 11:1-22). Hih Laisiangtho munte pen "thu umin, thumaan thutak athei" tadinga kigelh ahi hi. Pasion Thu(Kammal) in thumaan hi. Pasion Kammal (Thu) "um a, athei" te bek pen "lungdam kohna tawh kisang" leh "asiangtho" a kibawl an te ah kimakaih ding hi. Asiangelo an te neek kawmkawm mah a, "Amau leh amau akisiangsak tawm" te Zeisu nih veina hong pai ciangin kisiatna ngah ding uh hi (Isaiah 66:15-17).